



## **Universitätsbibliothek Paderborn**

### **Instructio Practica ...**

De Conversatione Apostolica A Curatoribus Animarum piè & fructosè  
instituenda - Complectens vatos & solidos modos juvandi & consolandi  
diversorum Statuum Personas afflictas, præcipuè ægras & captivas

**Lohner, Tobias**

**Dilingae, 1677**

§. 1. Quis finis præfigi debeat Visitationi Apostolicæ Amicorum.

[urn:nbn:de:hbz:466:1-48248](#)

micos habeat. Tertiò ut, si neque hoc suppetit, ex sententia discedat.

II. Porro non esse alienam ab Operarij Apostolici mune-  
te ac Zelo hanc visitationem; tum multorum virorum san-  
ctorum & Apostolicorum præclara & crebra in hoc genere  
exempla, tum multiplices fructus ex ejusmodi visitationibus  
hausti; tum ipsa ratio, necessitasque persuadet; nam, ut sapien-  
ter S. Chrysostomus ho. 21. ad Popul. advertit, *sicut hoc cor-*  
*pus quotidie corporalis indiget nutrimenti, ne multum cadens*  
*in imbecillitatem inessicax iaceat; itidem & anima Spiritualis*  
*indiget pabuli optima conversationis, ut in aliqua bonorum*  
*consuetudine posita maligni demum insidiis constituantur inex-*  
*pugnabilis.* Quia tamen hæc functio, siulla alia multis pe-  
ticulis, fraudibusque occultis Dæmonis est exposita, ideo, ne  
damna potius gravia, quam commoda, utilitatésque ex ea  
reportentur, bene observari debent tum ipsæ Personæ, quæ  
sunt visitandæ; tum tempus, finis, modus, & industriæ in si-  
mili visitatione adhibendæ; tum ipsa denique pericula, quæ  
in ea occurrere solent, ut & cautiùs declinari queant; aut  
terè, dum contra illa se salubribus remediis præmunit Oper-  
tarius, velut tela prævisa minus feriant. De quibus prein  
omnibus capitibus breviter hoc loco agendum erit.

### §. I.

#### Quis finis præfigi debeat Visitationi Apo- stolicæ Amicorum.

I. **D**uplices huic Visitationi finis præfigi potest ab Opera-  
rio Apostolico; remotus scilicet, & proximus; remo-  
tus & omnibus illius functionibus Apostolicis communis est  
major DEI gloria, propriæque, & alienæ salutis procuratio,  
de quo nihil hic specialiter monendum occurrit. Proximus  
est, qui secundariò & minus principaliter, tanquam medium  
ad priorem velut ultimum finem obtainendum intenditur.  
Ethic præcipue triplex esse potest, quorum primus est *Benevo-*  
*lentia autupatio vel conservatio*, cùm enim nemo facile se,  
suāque salutem committat illi, cuius indolem, virtutem,  
& Zelum perspectum non habet, necesse est, ut per familia-  
rem visitationem quandoque suas dotes manifestet, benevo-  
lentiām-

62 *De Visitatione Auctorum Apostolica.*

lentiāmque conciliet Operarius. Unde in hoc casu, suo modo locum habet, quod nonnemo quandam ad Adolescentem dixit: *Loquere, ut videam te.* Alter finis est *gratitudinis monstratio*: quo ex titulo Benefactores præcipue visitandi sunt, ut, dum pro acceptis beneficiis gratus animus ostendatur, ad nova conferenda liberalitas Benefactoris provocetur nam, ut rectè Cassiodorus dixit super Psalm. *Quoniam misericordia meliora meretur suscipere, qui collata bona de corde non probatur amittere.* Quo quidem in genere S. Ignatius Fundator noster mirè excellebat, ut Ribadeneira in vita illius l. 5. c. 2. sequentibus verbis testatur: Ex multis virtutibus, quæ in vita illius eminebāt, jucundissima fuit acceptorum beneficiorum memoria atque remuneratio. Fuit enim non in DEUM tantum, sed etiam in Homines proptet DEUM re ipsa; animoque gratissimus. Hinc eos, quos de Societate nostra preclarè meritos noverat, non solum nostrorum orationibus quam commendatissimos esse volebat, sed etiam invitabat invisebat, & de felici rerum nostrarum sucessu faciebat certiores, multaque faciebat sibi alioquin insuavia; atque etiam molesta eam unam ob causam, ut illis gratificaretur. Quod ipsum proinde facere studebit prudens Operarius, captando tempora & occasiones, quibus vel Natalis diei felicem exortum gratuletur, vel anni novi auspiciatum exordium appretetur, sique suam erga Beneficetorem observantiam, gratumque animum contestetur. Tertius denique finis esse potest *variarum gratiarum auctoritatem beneficiorum profecta, aliisque impetratio*: qua tamen in reveal maximè cautum ac moderatum oportet esse Operarium, ne dum alios sibi conciliate beneficiis impetratis studet, ipsorum Collatorum à se animos, benevolentiamque avertat. Unde diligenter attendendum est tum ad ipsam Personam, a qua aliquid petitur, an videlicet sit opulenta & liberalis, ita ut gratam potius habituta sit ejusmodi petitionem, quam ingrata; item ad Personas, pro quibus petitur gratia; & tandem ad ipsum donum seu gratiam, quæ petitur, an scilicet facile & benevolo animo danda speretur; ex his enim circumstantiis si vel unica desit, præstat omittere ejusmodi visitationem quam suscipere. Multò verò cautiorem esse oportet & parciorem in gratia aliqua pro se petenda; nam, ut sapienter

Pienter S. Franciscus, Xaverius, teste Tursellino l. 6. vit. c.  
12. advertit, qui alienas res accipit, aut petit, libertatem  
amittit suam; quippe cum beneficentia necessitatem imponat  
obsequendi beneficio, et propter beneficio libertas adeo ser-  
viat, ut, etiam si quid audeat, ejus verba longe minus habe-  
ant ponderis, quam haberent, si sui juris esset. Adde, quod.  
Si quid ab eo, qui dedit, peccatum sit, libere increpare haud  
quaquam valeas; quod enim nos tantum est, ut sustineat alla-  
trare pascentem? Quod ipsum confirmans S. Philippus Ne-  
tius, ut in vita illius c. 15. n. 16. refertur, dicere solebat Ope-  
rariis suis, ut, si fructum facere vellent in animabus, a cru-  
menis aliorum abstinerent; nec enim simul posse aliquem lu-  
crati animas, & res earundem. Hinc & S. Bernardus anima-  
tum Curatores l. 4. de confid. c. 4. tales vult esse, qui missi post  
aurum non eant, sed Christum sequantur. Qui questum lega-  
tionem non estimant, nec requirant datum, sed fructum. Aliam  
vero, adhuc causam affert S. Basilius in reg. brev. resp. 304.  
dum ait: Existimo magis consultum iri multititudinis offensioni,  
& adificationem fidei fore probabilius, si repudientur huic se-  
modi munera; siquidem ex illorum susceptione primum illud in-  
commodum nasceretur, quod sapienter ob eam rem male audit  
Fratrum Respublica. Plures quidem adhuc fines, ob quem  
Amicos vel Benefactores visitari conveniat, assignari possunt,  
v. g. si in aliquo morbo vel gravi afflictione constituti sint,  
sed quia hi ad alios subsequentes titulos pertinent, non est,  
quod de iis hoc loco amplius quid tractetur.

### §. II.

#### Quæ Personæ visitandæ sit.

I. **T**riplicis generis Personæ hac in materia in considera-  
tionem venire possunt, scilicet Ecclesiastice Personæ,  
Principes sive Magnates, Mediocris status Personæ; nam in-  
fimi status Personas, puta Artifices, Rusticos, Mendicos ami-  
citatæ causâ visitare non convenit, cum triplex ille finis, qui  
in priori §. assignatus est, locum non habeat.

II. Primò ergo Ecclesiasticas Personas quod attinet, omni-  
no suadendum videtur Operario, ut easdem non raro visitet,  
maxime si Religioso Ordini sint adscriptæ, & magna Sapien-  
tia